

**A Na Kalou e Kila (Same 139).**

- ❖ O Tevita e kila ni nona bula e kilai vakaoti tu vua na Kalou (Ps. 139:2-3). Na Kalou sa kilai koya ni bera ni qai sucu, me vaka ni Kalou e buli koya ka vakatuburi koya ena loma ni kete i tinana. (Same 139:13-16).
- ❖ O na sotava na Kalou ena vanua cava ga ko lako kina me vaka ni Kalou e tu ena veivanua kecega. Ke o cabe cake ki lomalagi, sa tiko mai kina, ke o lako sobu i bulu, ena kunei iko mai kea; ke o vuki vaka ki na tokalau (na taba ni mataka) ena tuberi iko mai kina; keo vakanamata ki a ra (na sauva ni wasawasa), ena totaki iko mai kina na ligana (Same 139:7-10).
- ❖ E sega na butobuto levu me vunitaki iko rawa mai na i serau ni Kalou (Same 139:11-12). Ia e sega ni i naki nei Tevita me dro. E vinakata ka nona gagadre me dikevi koya na Kalou. Tovolea mo bulataka na bula savasava ka marautaka na Kalou, lako tani mai na ca. (Same. 139:17-23).
- ❖ E kila kevaka e malumalumu, na Kalou ena vakadodonutaka na nona sala (Same 139:24). O koya beka oqo na ka o sotava vata kei na Kalou?

**B Na Kalou e Kauwai (Same 121).**

- ❖ Se mani vakacava na titobu ni dredre o sotava, na Kalou e rogoca tiko (Same 130:1-2). Ni da tagi yani, e cakacaka ena vukuda (Same 9:10). E tiko na nodra i nuiui o ira taucoko era kere loloma vua na Kalou (Same 16:8).
- ❖ E vakamacalataki koto ena same 121 na noda i Vukevuke, ka Daunivemaroroi:
  - Ena sega ni vakatara me da yavalati mai na sala ni bula (v. 3)
  - E vakarautaka vei keda na i vakavakacegu vakayago, vakayalo (v. 5-6)
  - Sa tu e yasada me totaki keda ena gauna taucoko (v. 7)
  - Ena taqomaki keda ena veigauna kei a veivanua kece (v. 8)
- ❖ Evei me da qara veivuke kina ena gauna dredre? Ena kaukauwa vakaiyau? Kaukauwa vakapolitiki? Ki vei ira na vuvale kei na i tokani? (Same. 121:1).
- ❖ E dina ni rawa ni ra veivuke, o ira kece era rawa ni ra vu ni noda bale. E dua bulu ga na noda i vukevuke: “Sa lako mai vei Jiova na noqu i vukevuke, O koya ka bulia na lomalagi kei vuravura.” (Same 121:2).

**C Na Kalou e totaka (Same 17).**

- ❖ Ni sa vakadeitaka e lomana na bula ni cakava na ka e nuitaka na Kalou, e kerea kina o Tevita me totaki koya na Kalou (Same 17:1-5).
- ❖ Daunisame e kaya ni taqomaki keda na Kalou me vaka e na taba kei na vuti ni manumanu (Same 91:4). E vakayagataka talega na vosa vakaivalu me vakaraitaka na bula ni nona i sasabai (Same 91:4).
- ❖ E cavuti talega me “idrodro,” “iyaloyalo,” bainivalu ka “liga i matau.” (Same 91:1-2; 17:7-8). Era vosataka taucoko na noda maroroi ka vakadeitaki.
- ❖ Eda sega kia ni lomalomaruataka, ni dua na noda Kalou ka totaki keda mai a vei dredre kece. Me da golevi koya. Me da vakarurugi ena kena i yaloyalo.

**D Kalou e veiserekia (Same 114).**

- ❖ Same 114 e serekali lekaleka ka matata ni nona vakamalumuta -ka na veika dredre na Kalou me ra yacova kina na Vanua Yalataki na nona tamata:
- ❖ Na Kalou, Dauniveibuli, e vakaraitaka na nona kaukauwa e deladra na veika bula me serekira na nona tamata. Ena sega beka ni cakava vaka oqo vei keda nikua?
- ❖ Me vakataki ira, oi keda talega, ena cakacaka mana eda vagalalataki mai nna i valavala ca, ka sinai na noda i lakolako ki na Kenani vaka Lomalagi ena veika rerevaki (ulunivanua kei na veidelana). Ia e “sautaninini o vuravura” ena mata ni Kalou (Same 114:7).

**E Na Kalou e rogoca ka vakabula.**

- ❖ . Na Kalou e tiko ena vanua cecere, e rogoci keda ka vakabulai keda mai kea (Same 20:2; 3:4; 1Tui 8:30).
- ❖ Oqo na vuna eda torovi koya kina vakadoudou ka ni na rogoci keda (Iperiu 4:16).
- ❖ Ia na cava na ka e rawa ni a kana mai na nona valetabu? Ia na veivakabulai (Same 14:7) Maroroi keda mai na ca (Same 27:5) Vakarautaka na veika eda gadreva (Same 36:8) Totaki ira na malumalumu (Same 68:5) Vakaukauwataki keda (Same 68:35).
- ❖ O ira na tamata era veiyutuni ka veiwekani vinaka kei na Kalou ena nodra rawata mai vua na nona loloma kei na veivosoti, era vakayavalata na Kalou me vakadeitaka na nodra serekira. Na veiwaravi ea valetabu e vakatakila na veivakabulai ka kunei vei Jisu.